

Kitaab e yek: LAIN

Debacha: Gns

Yarmushum br (Pesh lafz) – Riaz Saqi

Garing

01. *Akhat a laen et siya ahlchemo dunya che echen*
02. *Un ja qalam a qadur henas apaa*
03. *Nuher nuher ayaher nuqas nuqas dugaty*
04. *Jaa kuluk saar agoyang baow magam atagashia*
05. *Nukuchr gan til aalum gan gucharas*
06. *Hek ka akuyechum hr gunz guyechum*
07. *Guya chap che nukatay shechum basxha*
08. *Na ahs be emet ule na chulini*
09. *Nega un jaa sia nee ja mani bey*
10. *Warcha hawel gukhar damany kaisar*
11. *Hek etay phut apasum ahs ka ja ho ses maim*
12. *Mehan neyech gasichum goski duwa*
13. *Ishq a girwana numas hirs a shemey*
14. *Menuen emenumen omenumen*
15. *Gos ja gandi buruma da ka aney*
16. *Etamba un nukuyech hr kishi hr ghr nutamin*
17. *Duhul duhul dugati ganka shumn*
18. *Yates oyee xhan br etii, ne ka kaisar jua bai*
19. *Echa go hingche tawah net jaga gomos un sena*
20. *Kamn a ohlche phuyeng diyashash*
21. *Han yata han garing guchum maim*
22. *Ikharaa shum siya bo aar api ney*

23. *Ten uley bal juwa bam*
24. *Asaarche nhulta aati leh zhameaan*
25. *Hena un km akhaten ghultuml et*
26. *Un jee yayum ba ahs yayum ba gotta khtrkha*
27. *Ayurcham tesh dugasham go guchum ja bey*
28. *Khot jaga lel mani guyechas apa*
29. *Go gandi asum etum brb o akhesh*
30. *Aya razon che dohon tal nama bam*
31. *Ja kho ka gran siyam shum akhaten*
32. *Gutey gaan go duwa br cheram nukha*
33. *Ja hr ghoshani gr dua te xhum gaseea hek*
34. *Go guyek niya gucharum go guche dukharum ja*
35. *Dugati te che goshan gokat mayum bo neu doro*
36. *Ahlto an gutum baring bo echum, bai*
37. *Naoosay huk nayechey zran ya apii*
38. *Dastalish khoi ja meney saa gasicha pech etika*
39. *Jaa ka tapoching shuli khul amana*
40. *Ne baring dayalay gutum xhanamam*
41. *Axhanish beska ja yah jaa nimaney ja manisha*
42. *Go etum fainga simey xhan ka apaa*
43. *Ache naree akuwan ja ho akhelxhen ya baa*
44. *Ja akhosh ja nuqasey aherum bayee*
45. *Ja ka go gan api han boltum echan*
46. *Filash ne ren ja haqa hereshum katl ne gali*
47. *Meney gandi kruch nama*

48. *Ja til aaskila un nokoney shaw churam nukha*
49. *Akhr che dis ja apaa akuyechum*
50. *Jee duwa niam ma makhr esqaning bey*
51. *Garee kirkaar memayan xhaong axhokon*
52. *Behesht jua ja angee yaa*
53. *Feran be golcha rahe phuu yakala*
54. *Khaduk a tam nupaly mos diyaka*
55. *Awoo ja chat notay aya qalama*
56. *Ne ja ahs yanum sia doshto eti gaan murikhy*
57. *Dugashum bash apim dugati ya fath*
58. *Amenumam ehlche yate mehre melan*
59. *Ne ohlchemo um mel meneas ne jua men bai*
60. *Duneshing guya suya go chit api*
61. *Besa lay jaa chulini bo haz etaa*
62. *Awaljum hesh a balda khat yana ja*
63. *Gati darbat nuhurut mayoyo ga shath echaman*
64. *Apeyema che ane kaa charko damayoo baan*
65. *Gofat goo chast gotumaan un darum ka charchi apaa*
66. *Zhong yayan thangkush e zhang just nimema*
67. *Nawalay men dawasa hashing e gungoo makuche*
68. *Na humalkum tabah go, da na un chulum boten baa*
69. *Basha burdi nemoqay daa basha ayasha numas*
70. *Hasing agoya netay khap ja aya*
71. *Punar che ahs nukharat*
72. *Go nem cheche jaa*
73. *Ahs ka ja duneshinga bai han Hussain*
74. *Doyarchumaan gunxiki ayata bunjo osal*
75. *Guchum awulam simey gosaluya*
76. *Aya dunesh nikhachi lain hurusha*
77. *Jainga duhulumbai lain etamba hi darikh*

78. *Girmina dunesht eta thum atia bo achum*
79. *Akhr ja tham chayamba*
80. *Thoskum demay*
81. *Naosay engi daal apaa, apa awa*
82. *Tikche akhar decham nukha*
83. *Dugareshum*
84. *Zhang ja thum yanaas apaa*
85. *Ayash xhum un thanum gukhr chayumba*
86. *Lain hurushum bo dua?*
87. *Phut ka elja tesh ayeti cxhan gali*
88. *Chas gugana tache mi aney bey ka aney hek*
89. *Phu garey dugarchana?*
90. *Ty chuyish manumim a?*
91. *Bal depheerchi khakh garey*
92. *Just nimima ghr siyanchex aney ba*
93. *Buk oya neth qaq senashu, alltan*
94. *Ahs achy gassi khudai*
95. *Qahf assichha chaq akho*
96. *Kaisary heashing lel exha un awuluma
akhosh*
97. *Un phaing eta*
98. *Daakholun dua*
99. *Dosqachama kishimo*

*Akhat a lain et siya ahlchemo dunya che echen
Sahatan just nimeyech dushmayo ja haa che echen*

*Chasho khr net ahuting, je duchuney bukka aya
Nayur nayur jaa etum mehering e huncha che echen*

*Me cheky han ya bi gan beruman mansoor chechi baan
Echeyen ja achey bo, ja ahltuljo thaa che echen*

*Guyekey ghr nukirmin siyam chekh ja hr hang ule
Jarey aney echumaan thoskum duu bara che echen*

*Darikha ohlche tapr yeshamba bathan e sesay
Kachati jel neth simaan ganing ka me saa che echen*

*Ja garingkish amaya beraney Kaisar jaga lel
Simanza nachet manen sitarey samaa che echen*

*Kharcheyum bash nichu kharchenas apaa
Chankushey phuga un talenaas apaa*

*Gatenz che tal gumanas ne lay etaa
Un ja qalam a qadur henas apaa*

*Ja nayech phu hrang bo echum mathan
Ajo koth shum manika senas apaa*

*Guyar manumey netey tanza ghasap
Gucheche bm bashaka thenaas apaa*

*Un bo che dis gumana ka jaga lel
Guya damn gocho ka henas apaa*

*Shuwa barkasha ka un shum nupisha
Chan netay basha ka damenas apaa*

*Ja faqat chan e gan yatey gucharum
Faing e dowlat kaisar hutenaas apa*

3.

*Nuher nuher ayaher nuqas nuqas dugatey
Ochecham chan siyamba chulini go guyatey*

*Go ka goski apali, ja ka dunesht gosanum
Burunum bota mani mashqulge hek sahatay*

*Desqaltum ja ajo bam magam gamunche ya ba
Ja nahltask yar daosha apai men ja balatey*

*Senamam gos mamu aet gamu dusmainas api
Yecha chen chen goti un dene hirs e duhatey*

*Bechrche bam nukuchr aya dunesht yate tham
Zran aati ahlqa ule ja ahs gosay dukhatey*

*Bathan niyech kaisaray iblis e shaking hrang
Darikha hai seneme ne emesh che nukatey*

4.

*Ja kuluk saar agoyang baow magam atagashia
Adim nupushur mani saow magam atagashia*

*Peer e ka faal nupisha tamtaka bai dam akatum
Ja ne lamanche ba raow raow magam atagashia*

*Niaa bo churimiaa go bamey khabr nukhateen
Gashap a gunz ka faljong faow magam atagashia*

*Ja mutuk mena siam berum thaping dang nesqolay
Dukumr un nuherey maow magam atagashia*

*Go haesh e phu yate ba ahs pitiring kundo golum
Boltum hasho yate se daow magam atagashia*

*Dusamam walagbelo kaisarey jee un nukuyaw
Saa ka aqeen mani nupaow magam atagashiaa*

5.

*Nukuchr ghan til alum gan gucharas
Notay ses chn aya arkhn gucharas*

*Ja jua men gucharas chash yate goon
Ja dehor chr nekharay Dan gucharas*

*Ja ache Moon nima men Bo layum bai
Akhosh che shet nama mathan gucharas*

*Basha athan gopai ahs they anay
Basha ahs gopaye athan gucharas*

*Hekana man tolaya ja gucharas
Hekana man yate ja man gucharas*

*Ayet Kaisar chum un dugasha dunesh
Ne ka go han be shuwa gan gucharas*

6.

*Hek ka akuyechum hr gunz guyechum
Ja we khundarisho fangot che echum*

*Ja un guhayam siaa te shataya
Jainga un just! Mani ja hinka dechum*

*Bawar besa API me mehan yate
Darikha khul maime Basha techum*

*Dugares bey ja achum mehr e minyas
Putuk putuk nama dusamba phechum*

*Halanz e yari Kat mashqul mayum bai
Atosing bechuman kaisaray chechum*

7.

*Guya chap che nukatay shechum Basha
Guyates balche nichu dechum bashaa*

*Zhamy diyarchun Dua ehlchemo um
Ne Inge un Sena diyechum bashaa*

*Duhul duwal galii da drbata ya!
Chechum da iney bo Huwechum bashaa*

*Daman dugam bai te Daman siyaman
Go guman bo daman ka yeshum Basha*

*Ahs hrang un ba ahs guyekushe be
Bawar ayechumba bo kheshum Basha*

*Aski apalun Dua Inge gaa naa
Garing aik echuma! ayechum Basha*

*Tesh a balum chechey br br api yah
Gon Kaisar br bara bo techum Basha*

8.

*Na ahs b emet ule na chulini
Yaya go Rai Dua Yan ga chulini*

*Ayates Bal che decham Dan che decham
Khudai go guyatum tha chulini*

*Ache dukhrchum sesay but chanunan
Ayarum gomanum daga chulini*

*Un hek aqeen guwaya agayenee
Br br dogoiki baowi saa chulini*

*zha zhr meyar manumen shak washchaman
Mes ule hek duwa taga chulini*

*Beran baring diasen lel a goga?
Arenche hek yaya bara chulini*

*Ja ka shafi chechi tam chan siamba
Shuming baring dayl gasa chulini*

*Dugat guchum ja thaping ran gusayu
Ja Haley khoi guwan basa chulini*

*Gute khen herchume ja mukht gasiam
Go mahraka ja yah gala chulini*

*Ja gan zr chn serem be phu yakala
Bechumba achechi nulta chulini*

*Ja ga ne shum besa simbai le kaisar
Basha ne gare ga Masa chulini*

9.

*Nega un ja sia ne jaa Mani bay
Gucharas gana ja dukhna Mani bay*

*Hurutum bai ne bend a thanishe ne
Ne holum ses Mani ja haa Mani bey*

*Ja lahazi neyeché zran manum bai
Hali ka renche ne galfaa Mani bay*

*Amutuk un ka ne dey ja ka gala
Amutuk den Mani Han saa Mani bay*

*Ja bota khat amayam hek senumam
Besh ne iblis a ka shalda Mani bey*

*Ahs a Multan yate ja yalcham siaa
Ja maling hek Basha phuwa Mani bay*

*Amena lel ya api beska kaisar
Ne renche basha ka garba mani bay*

10.

*Guya dunes hawel damene kaisar
Chechi un eth baring thumene kaisar*

*Nushe te chap aney ghultur dusiaa
G bota yayum SE haldene kaisar*

*Nawuse huk go apasum b darum
Gomanum shuming un hutene kaisar*

*Amit a naal yara gowash diosaa
Te nosh bisham Dua arene kaisar*

*Galaka ayurcham ayayuram ba
Senamam ja goga thamene kaisar*

*Ja mehr e yasch echum Chum yr un guya
Gos a barkash ule damene kaisar*

*Chakadesh bote gandi Bo aqiiya
But bedawa ba ka ya ne ne kaisar*

*Alam a henche go guche neyechey
Ja ka amanamba hr mene kaisar*

*Ja fufuk g che ka ma mas goli bey
Paltat mayume sene chene kaisar*

*Ayakalcha nigaan nehen che dohon
Un ja besmel ataa gurene kaisar*

*Ja alche chip ka echa axho darum
Menyas un Khul eta Tok dene kaisar*

*Halanz halanz sime me garingkia
Halanz halanz eten merene kaisar*

*Ja ma taorum makhosh bota? Sena!
Goski duwa senumam mene kaisar*

*Khundaar go gunge bai da bo gayumba
Ya dy k diyashama seney kaisar*

11.

*Hek etay phut apasum ahs ka ja ho ses maime
Ahs ka gos han manika mes maime, mes maime*

*Tapoching nushul gali thuh nukha sharyo ayedol
Et un cheres a dunes gasum te cheres maime*

*Qalam gureche Nia mehr e Shani desmayene
Te gunz e ja gayam mene pitik bares maime*

*Gicham ja fuu ga gicham ahs ketori chor manum b
Fathe ja Bo zian ktr akhosh e ehs maime*

*nachet akuwane hr mena boot namus shuwa bey
Dokoyal ja baring a go dunes thares maime*

*Ja ne kaisar ba Shafi chega nuqo gr diosum
Ahs a Multan broshu Mal a negares maime*

12.

*Mehen neyech gasichum goski Dua
Gosa tasqan go gichum Goski Dua*

*Dene hn mehr e bran bukche dukhat
Te ghulchena balichum goski dua*

*Melchemo ochum Yate chaq mehana
Tok dunya zrap basichum goski dua*

*Dishum un ba nukha ghultulum nukha
Punaran go shanichum goski Dua*

*Un sia chr dehor dalah dichu jaa
Go senum ja atichum goski Dua*

*gukhr un masqara net ja agayum
Geyo Kat fango gichum Goski Dua*

*Goga un jaa sia ohanche nuyaa
Chash we go gana gichum Goski Dua*

*Heshing e hush desmayen gos makuche
Guoo Yate barichum goski Dua*

*Sesay baring demeyal me dogashum
Me hrang phuu balichum goski dua*

*Uley duchar garey gochr go guwoo
Holay surnaai garichum goski dua*

*Ne Chum mathan gumaya kaisare ehs
Ne emesh che gatichum goski dua*

13.

*Ishq a girwana numas hirs e sheme
Ja ange yashch netene bim apime*

*Elche washchum bai ne ja ahs yata be
Ne eya deling hrang ehs apimee*

*Chew a shew ne ho laqlaqa chayemi
Faljoing duchune chekh gasanx a geme*

*Gadero gan Yate Bai shaski yara
Dekhesum push nuwele garan seme*

*Kho gaan ka Dan Chum ka ja dang amana
Ajo dang Bai Aya akhosh a seeme*

*Ja nasqol phuh ayacheme bashaka
Bashchek dulum ho gimbai phuga geme*

*Qaburing Yate gucharchm Bai akhesh
Hr Han yata neney kaisar ba sem*

14.

*Menasan han, menumen, emenumen
Holum akeii ka shuwa men aye menumen*

*Akhara chayum agha hek phut uley
Mathanum nayechey hek xhum gasumen*

*Mamu eskil che ahs kharatas apii
Chan siyamba ehs e bai khal matumen*

*Aya arenche che dohon dusha dehaa
Ayatum lel meney ka siman thumen*

*Khundaar e doyal ja garing senemen
Oga le shum siyanchex sakht gutumen*

*Gharinkish sia thum dunesh etumam
Khen kaisar bastimi akhesh basumen*

15.

*Gos ja gandi buruma da ka aney
Ayesha un churuma da ka aney*

*Mehanay gandiche gadero me bm
Akhelchn bo duluma da ka aney*

*Besa un simba ja kho men ka apan
Go gandi men yuruma da ka aney*

*Desaney! Daa desaney ho siyamba
Jhoshaa naa! Khoi khuruma da ka aney*

*Demeyalchan jhoinga kaisary gharing
Girminum bai gutuma da ka aney*

*Gukhr un buut ayechu yah ayasha
Go guche men gasuma da ka aney*

*Dugati naa ja jee kaisar nukhateen
Ne emesh che gatuma da ka aney*

16.

*Etamba un nukuyech hr kishi hr ghr nutamin
Ja aya ahs makuche warcha net akhr nutamin*

*Alado achumey bai ja bameney hr pataka
Jaa hrang go mehering, achemea thr? nutamin*

*Hawelum che gasumam bo sakharat yah nukhaten
Gaan dunduna manum bai chechi moqum chr nutamin*

*Kheli girminey besa walto an kishimo bechan
Akhesh baring echum bai ja garing gotwr nutamin*

*Alchemo chip ayotum gayam ne burunum siaa
Asaarchum laang mani ney ja awoo zha zhr nutamin*

*Nesalay kaisary gan elje nisee yr sechumay
Ajo gos anum simey elja mani fr nutamin*

17.

*Duhul duhul dugati ganka shuman
Gran guwachum bai albath ne thuman*

*Neyech go Hinchey ja achey jaga lel
Ogoljaman fath ota ses beruman*

*Guwoo guskil yatum khas echum aga
Besa khe thaang eta khudaye guman*

*Chan simba? Yah eta un! Chan ka chana
Ehs ne ka biastimia buruman*

*Ja ahs chen chen ka eten hek hera bey
Un ya bastuma siman we dhultuman*

*Achoka botan dulum til aalmba
Garing kaisary etumam gutuman*

18.

*Yates oyee xhan br eti ne ka kaisar juwa bai
Dehor a rath chr eti ne ka kaisar juwa bai*

*Akaling chekh Duchune, duneshe gt etumam
Jahl net gt thr eti ne ka kaisar juwa bai*

*Taqi gazal an nukha shafi hn ghr an nukha
Sahata az br etii ne ka kaisar jua bai*

*Henas a eski nupal echa pandr muna br
Mos dia ho sxhr eti ne ka kaisar jua bai*

*Ne emeth fath ayetii nee thayo ses hrang ka
Ekhr tikey khr etii ne ka kaisar jua bai*

*Mehr e mal diding dulum haralt a uzur deyal
Ehlche yate cxhr eti ne ka kaisar jua bai*

19.

*Eya bo fath ayeti tushe ka tenjo moqichum
Yata ka jga simbai shum doro hrbo moqichum*

*Echa ney hingche tawah mos nimany uuh ne seni
Et niaa ley gadero bal bahuring bo moqichum*

*Meya ga miya nukha miya nichan tal nimema
Hirse dukhna che nechey bim se hrango moqichum*

*Holum men ses duyenka mehlche chipa khan doyeney
Difashi mecxho miya tanz yata noqo moqichum*

*Awelge un nukuyech zran nama nuqas siyamba
Goski nat ja buut akhush ahsey xharesh go moqichum*

*Ne ka farhad a yraan chr nemoq dalah diosaas
Defogor ya yadigen kaisary doro moqichum*

20.

*Un shum duneshing hrang xhan gugasa
Guche go bot gasiyen ja aqasa*

*kheran e ohelche phuyeng diyashash
Kheran e olchemoga qon giyashaa*

*Haley we mulda ka hamenz nisheney
Qaqa chai menen siman hol diyasha*

*Chan br pandr ayetey lee namusii
Toq ae gashter etey guren ka bashaa*

*Thayoo darating netey nasmaley un
Guchum amayam simba un khalasaa?*

*Asumun ba ja ange beska apaa
Halanz be tham hekan un gan ayasha*

*Ahes dulum uley asaarche gat naat
Herii ja alchemo docha bayashaa*

*Fathy kaisar yaney un guya se gan
Eski bo ebishachum in balhasaa*

21.

*Han yata han! Garing guchum maime
Goga gos rana raan xhulum maime*

*Akhosh duhulay nemam ja apayum
Zeinga mo duum biyen malxhum maime*

*Dang acha dat diosay bo haz etii
Til nelay gaan eya gurxhum maime*

*Phuu jua ses e achum chel dumari
Albath ne haa ache phuu balum maime*

*Gosay batin che un tawah ne hurut
Munaya duus galaka shum maime*

*Deyalay ja garing nuher senemee
Kaisar ja khal ajo makhsum maime*

22.

*Ikhara shum siyaa boo aar api ney
Mena alado ka pishaar apii ney*

*Shuming a shum simey bai ayamalum
Yr nima shum gana gozaar api ney*

*Ses e baring deyalay herchemiia?
Et ne lay hek ka oo gochar api ney*

*Sitari simey bey go goski balish
Sitar e chr duwa sitar api ney*

*Yousf chum km apaye ne ja ne akhosh
Ja in bo gasxh echam khanar api ney*

*Kaisar ayehering khudaye gaandii
Ajo gasichum baai bawar api ney*

23.

*Ten uley bal juwa bm chap hrang mhultan me shafi
Meshaski nosh e cheresch burusho haa pan me shafi*

*Demestal charchi demich chankushey ney gan dichani
Iblis e khn dehoras shuming a tasqan me shafi*

*Nemoq dalah diosas, ney br e yaa chr dehor
Le farahd! Un gukhr chum elje yah ayechn me shafi*

*Defercha chash me ganum yr nima punar nopokey
Ajo arkn gucharum ses metum bai chan me shafi*

*Bm uley bim garii mes da dugasha tang manumim
Thoskum gari metum bai chekh nemety hn me shafi*

*Thechumey ehs a multan hr charesh a me bathanay
Cxhan apim thum besa ka mega dios cxhan me shafi*

*Khurum khas aski dua sheali netey den yate ney
Doshum chek ehs makuchum le kaisar hayn me shafi*

24.

*Asarche nulta aati leh zhamean
Dua go gulche hrang beh zhamean*

*Nhultane chag aatun dua ahsa jaa
Diosha lanamba bey “eeh” zhamean*

*Tha fera tacha k aka lean etamba
Hek tacha herchum aga “theh” zhamean*

*Shuth chura chew nama bm tam emeth a
Ganey da din duwa “umeh” zhamean*

*Gozaar bishacha fath ayatun duwa
Numa ja ganka deh e deh zhamean*

*Jee yayamba nukha dee me kaisary
Namusi mayum aga “eeeh” zhamean*

25.

*Hena un km akhaten ghultuml et
Neheney thm akhaten ghultuml et*

*Gunge gatenj neyech tap khat nukuma
Qaqam a niam akhaten ghultuml et*

*Shon e ka lel echemi etaa niaa
Zah a buyam akhaten ghultuml et*

*Wahjm patak maime chr guyata
Bm a apm akhaten ghultuml et*

*Bo bika gunge un se shechume ne
Becham khos khm akhaten ghultuml et*

*Nemoq guren yaty chr dios dalah!
Dashtaw ka dm akhaten ghultuml et*

*Herasey inge un guren nemurut Ja
ka herchm akhaten ghultuml et*

*Apasum bai manish gokhash ka manish
Faing net dustam akhaten ghultuml et*

26.

*Un jee yayum ba ahs yayum ba gotta khatr kha
Asqur yayum ba chas yayumba gotta khatr kha*

*Buut maring ka ban shum ka ban guyar gucheche kho
Shumi a bey hafas yayum ba gotta khtr khaa*

*Hen go gandiche ganey ja murdan tok oyamba
Nuhera bey nuqas yayumba gotta khtr khaa*

*Gukhara achan ya ayachan gaan dunesh etay
Gamu yayumba has yayumba gotta khtr khaa*

*Hasho yate guhuting noos guzaar yanas duwa
Bo nhulta bey hultas yayumba gotta khtr khaa*

*Kaisar gukhara chn ya un in esqaney shawreen
Shani yayumba das yayumba gotta khtr khaa*

27.

*Ayurcham tesh dugasham go guchum ja bey bashaka
Go guchum til ayalcham xhan siyam ja bey bashaka*

*Guya ga guya nukha guya gukhr espalum baa
Lel et bo etas apaan guya simba wey bashaka*

*Acxho asuraa duhuk chel mayum be ahs chulini
Ganey saa niwal dang duwashimi be gay bashaka*

*Yache asqur an nidel renche ne sxhurang churimi
Go guche ehs kharatum churimi be thy bashaka*

*Bisham te nosh ka nupa qaq mani ley khein churaga
Go gumaan walcheme bea burum gumey bashaka*

*Mehre mel chankushey gandi duwa meney le kaisar
Te thr nashr gocheme be meney meney bashaka*

28.

*Khot jaga lel mani guyechas apaa
Bashchex e gat turi guyechas apaa*

*Halanz baoie ayash haralt e yani
Asumun ka api guyechas apaa*

*Hultas hasho yata ba un nukuthen
Ja ho dari dari guyechas apaa*

*Ayosal ahlchemo ja dangche biyen
Gomayumba ka thee guyechas apaa*

*Ja ka go bakth e kishi hn ya apim
Thum mene ehs a gee guyechas apa*

*Guyecha ka guyesham turr yate un
Yr te dunesh gali guyechas apaa*

*Akhaten nayeck un khudaye gandi
Kaisary ghan sene guyechas apaa*

29.

*Go gandi asum etum gr bo akhesh
Dioshum gabi sheali chr bo akhesh*

*Satic khas garey bm ja niyaa ba gaan
Nayechey echumba gukhr bo akhesh*

*Ne senesh ahs e batin turzuu echam
Le farhad moqichum se chr bo akhesh*

*Ja tikey ses duwa ja ha ka tikey
Go cemet e numa langr bo akhesh*

*Gokhosh ba ka seney un yata dioos
Echeme meney ka gotwr bo akhesh*

*Gomanum ses ukhesh ja gosche dache
Amayam go gandi chumr bo akhesh*

*Guyechum sereme tok eya jee chum
Goshe olchekushe tumr bo akhesh*

*Ja rooh ne emet be un goski bisha
Nega ja sim asey ktr bo akhesh*

*Ameya ehlche yate mehre melan
Khurum khas ja ba thr nashr bo akhesh*

*Kharatum gos cheche ghulchemo kaisar
Mayum biyen tapr tapr bo akhesh*

30.

*aya razon che dohon tal nama bm
aya ashaski chkh chum yr chanamam
apim ja bamkhushe hayan thy botan
ja chan ashaski tok akhr chanamba*

*kheran e nachet eten bo siam jaa
kheran e ghoshan aten melche nukha
baring ja chekhy dayal ho siyamba
Tik e dong bim ja ames chr chanamba*

*ghamo aren yate ja daf che dohon
domo arenche yana nachet e qon
khundaar e etum br a chan nukhaten
desqaltum garinkish e gr chanamba*

*qalam arenche halanz saa ga dunes
dunes gabi ga ka garba ga dunes
adam chum ne netey ali ga dunes
dunes ka ahs ka ja dukhr chanamba*

*ehlchemo tapr not hen neyadegin
ne aney mene haqa boltum pinin
jee eyaa buka duchui barinaq
ses taelch ja ho tikey khr chanamba*

*br e brgee ga bran echuma daa
gos uley dagam gran echuma da
nuher ka ehs mena matum ayetee
Ne gul nayab ka ja kaisar chanamba*

31.

*Ja kho ka gran siam shum akhaten
Ja to ka gran siam shum akhaten
Jaa gana chax giyaka k yata ja
nuqo ka gran siam shum akhaten*

*Maseas bai ne ketmen a dayala
hales esraf Mani Sena dayala
Oorum muna api ja ahse baring
Doro ka gran siam shum akhaten*

*Bathan e nang desachum shum doro a
Thamkush e jhang desachum shum doro a
Tika buri nukirmin chel a Mamu
Danjo ka Gran siam shum akhaten*

*Awalum durs bathan a gaen ya apam
Lhang gare ses e siman khene men bm
Changi baring eten buut besh Dua yah
Horgo ka Gran siam shum akhaten*

*Ayates nesel bai ja khoskina beyy
Beska ayachanen albath ma ja tey
Tharar e chuui ka ikhr buut ayasha*

Goto ka Gran siam shum akhaten

*Dofachum tr manum ugaan e minyas
Band galum me walum see saan e minyas
Tik yare bama elja maski damach
Tenjo ka Gran siam shum akhaten*

*Ahs mehre harki gandi Mal chane un
Ja dunes hasx ja qalam nal chane un
Asqur e baring ho aetang ya bicha
Chasho ka Gran siam shum akhaten*

*Satikum bai nukhatin shang shuwa bey
Dukuthal shum nachet e dang shuwa bey
Golchumbe ahs bathann e tk e gandi
Chodoo ka gran siam shuma akhaten*

*Girashum gari ka surnaye ja akhosh
Ayar yate echum lalaye ja akhosh
Saa baows pecha hekan chum nuqase
Charko ka Gran Siam shum akhaten*

*Ja ka mayoon e doro Han ya dua
Gunziki diyashchan mecharin thuwa
Un ane dis gocheme hek sahata
Ja Bo ka gran siam shum akhaten*

*Gondil e jee jaga akhr chum ka niam
Senumam ney jaka shafi cheche tam
Pilili jee yate ka nang echumee
Galgo ka Gran Siam shum akhaten*

*Jaree echume cheram chekh khaduking
Baring thayaqing ka nichen fufuking
Ja lip aten ka sesay phuga Kaisar
Hasho ka Gran siam shum akhaten*

32.

*Gutey gaan go duwa br cheram nukha
Aatum ba ahs ja ktr cheraam nukha*

*Me mehlche chip ayetum gogayaman
Amen garingkish e ghr cheram nukha*

*Dulum te chut multan ka dahukumba
Satur un netay gukhr cheram nukha*

*Taorum ehs ja gandi bota matum
Diyembai saf chum ka yr cheram nukha*

*Gala ka da churam bey yeshuma unnn
Akhachum ja dusis br cheram nukha*

*Bechumba nhultarangin khush nety men
Rahi gukhr nekhakr cheram nukha*

*Ahlchemo jaa echen dunya che esal
Acchamba un ja achr cheram nukha*

*Dugasha ehs e ktr ganing kaisar
Jazer etumbai ekhr cheram nukha*

33.

*Ja hr ghoshani ghr dua te xhum gaseea hek
Mayoon juwa nuqr dua te xhum gaseea hek*

*Ja hek gasaka osmo nugol phuh mayemen kho
Go guya senum br dua te xhum gaseea hek*

*Guyechaka ja chan siyam nasha amayamba
Chan mely ya asr dua te xhum gaseea hek*

*Fatak ka te da angi gha mamu ka chanamba
Hr gan uley ayar dua te xhum gaseea hek*

*Ja laen namaney cha talenamba hranga goo
Ja ayetum hr br dua te xhum gaseea hek*

*Yousf ho ja yechum apaa magam guchayamba
Misre shahr e manxr dua te xhum gaseea hek*

*Ja shah karim go gasichum xhum gasichum bs
Tasneem yatum gochr dua te xhum gaseea hek*

*Thum beska yah ja hr ghoshani gandichi kaisar
Guyakalum pandr dua te xhum gaseea hek*

34.

*Go guyek nia gucharum go guche dukharum ja
Yah jaga un shum akhaten akhelch tabah yarum ja*

*Ja ka ne farhad cheche tam ja ka ne majnun jua
Dash dashing ule gucharum khak ka aya kharum ja*

*Dohorchume go baling chekh sen dagachum botuley?
Hash e mos duphalt diaka galum ahsey barum ja*

*Elja qaw echeme jaga kho gucharcha darimey
Hek awash a gandi dua umr chaa gucharum ja*

*Dugasha achum lani bey hek sahatan ja daman
Eyaa chag ule dariim bai natene khandarum jaa*

*Go shaniche ses beljamaan xhaxhee apim chor hekan
Go shaniche goski balish baa kaisar dukharum ja*

35.

*Dugati te che ghoshan gokat mayum bo neu doro
Ayechem yechum guwan che net gayum bo neu doro*

*Ne axhosh yah siyamba atii ka ne demerey bai
Un chew ba qaw netey dich sena hayum bo neu doro*

*Dhulturum push nuwelay xhan gana gho hesh ayetey
Noqo ne faing a gana push chapayum bo neu doro*

*Ne ingee dincherey ne ehs ja nega ehlteramba
Achanish shum achanish shum achayum bo neu doro*

*Ja ka hek asum nuher ne ghomarche hek etamba
Nee ja baring deyalay dohoq fayum bo neu doro*

*Ja aya nanimo tham ayastmo dinar ba kaisar
Buri gendesh ne manish, manish khayum bo neu doro*

36.

*Ahlto an gutum bariing bo echum bai
Ikhr hr bo chayum bai bo mayum bai*

*Ne fusum naos e huk het manum bii Shuman
behaye ne che taye bo mayum bai*

*Gombaai ne hek ka mehre gan yata beey
Nechaney ne kutu khaai bo mayum bai*

*Bandah a hesh ya be, daman e baring
Mayum bai bo ne haye haye bo mayum bai*

*Ayar mayaga ne lanas ya apayee
Acheche ka aye tayee bo mayum bai*

*Eta chung ane bai kaisar eta chuung
Simabi ne ter a bushai bo mayum bai*

37.

*Naoosey huk neyechey zran ya apii
Shuwa doro eskilchey hayan ya apii*

*Ja mehre mel numeney charchi apaa
Gayeng e chel a tesh axhan ya apii*

*Guyates buzz nima go hush dufusii
Khudaye buk guthan guthan ya apii*

*Goga ja tham siyama? Bota siyam!
Guche dustam barishu khn ya apii*

*Daman e ehlche washish bal dohorish
Zr xhan seraga hola gan ya apii*

*Muna tambuk yanumbai ganka kaisar
Bishacha reche ne kho dan ya apii*

38.

*Dastalish khoi ja meney saa gasicha pech etika
Mayoon galging dechume ja shanicha pech etika*

*Haralt e gos malchime bo diyaka herchumey ne Ja
ka un goski aatay tam balicha pech etika*

*Guche balundua gokhosh dugat mathan manumbai
Gomanum del the shuwa te basicha pech etika*

*Axho arena axho chaag akuwan besh dua yah
Ezaa hashoo makuche ahs dericha pech etika*

*Goren aren yatey noss baye tesh an choren etumam
Goski go churimi se gt turicha pech etika*

*Ja ne achosh jhoas baai ahlchemo ja gana beyen
Ne! kaisar ahs denchercham ja hawlicha pech etika*

39.

*Jaa ka tapoching shuli khul amana
Un ka dhultapi gala khul guwana*

*Din dua gran ja, guhel yatey goo
Gutey go gosum a be gos nufana*

*Guru an ange nose y gayume baa
Ja akhr gana bey tesh un gugana*

*Daa go guyakalcha ja bo haz eta
Chahang tachume gali ja aghana*

*Xhum nuqas bota senii degaresa
Ja ne kaisar garey thum menka bana?*

40.

*Ne baring dayaley gutum xhanamam
Iney doroinga ja balat ya apam*

*Bemakhni bota senii ja gasicha Patak
patak a oo duch naherey bam*

*Ahlchemo khorong manen shon amana
Shon xhum dugares bey un men cheche tam*

*Jaa baring deyal hen nachar a senii
Kheney men bai le simbai jaga ka tham*

*Ayash gasichum be un charche apaa
Ajo buut goski churam balika tam*

*Aroiche niya khung duchr mani bey
Hekan kaisar ne ja hrang basa bam*

41.

*Axhanish beska ja yah ja nima ne jaa manisha
Fr jaa ayaka hek daa nimaney jaa manishaa*

*Chekh a gari ochesh ja basha sena ja ya manish
Magam ja asqolisha saa nimaney jaa manisha*

*Ses e ka osmo garii ne sheali chr jaa sheali
Egarcham ja gandi garba nimaney jaa manisha*

*Herchum yate ja chura oh! Cxham eta ahlche nukha
Mos eskil e khata surmaa nimaney jaa manisha*

*Laen eta khai nukha un khai basha khas ne gandiche
Ja mehre tham jaga bataa nimaney jaa manisha*

*Hurusahm un nukughan angi guwan kaisar e jee
Tok umr ja gandi han saa nimaney jaa manisha*

42.

*Go etum fainga simey xhan ka apaa
Akhr chum ja ho but mathan ka apaa*

*Awa go chekh khaduking ja khaduking
Adiling hrang niaa dan ka apaa*

*Men garey ja apa ka ja chit raye
Daa chaq miya meney mhultn ka apaa*

*Matum burdi akhara chanamba bey
Net aljuware ja angan ka apaa*

*Achum yara manuma kharch echamba
Axheche bam niyechey xran ka apaa*

*Girasham garing echam ashaski jaa
Magam kaisar go jua chan ka apaa*

43.

*Ache naree akuwan ja ho akhelxhen ya baa
Aatioos besh guwoan ja ho akhelxhen ya baa*

*Mhr e mel gunz ka meyam tesh ja ayakholimi
Dehushkin hanka chuan ja ho akhelchen ya ba*

*Thuyek ja chaq etamba akhar yakalxha nisher
Duwal chura gaoan ja ho akhelxhen ya baa*

*Ne tham a ahlchemo ja doko ghaan elteramba
Doyeney loq kutuan ja ho akhelxhen ya baa*

*Nigaa ney ingiom hek, ahsum bo dushimia
Balisha turche phuan ja ho akhelxhen ya baa*

*Aya aren nikhesay muhltaney khr etamba
Tacha renche shaoan ja ho akhelxhen ya baa*

*Olum dhultapim sesan yatum eshqami becham
Jaga fath bo garuan ja ho akhelxhen ya baa*

*Shushk e khr net ja areng, bating che un guwashcham
Neskarchey dich furuan, ja ho akhelxhn ya baa*

*Ajo yaye nega siyaa dokoyal kaisar a jee
Go gos bo sun gamuan ja ho akhelxhen ya baa*

44.

*Ja akhosh jaa nuqasey aherum baye
Ache ne jaa nuqasey aherum bayae*

*Nayeche ja, ne nee thum men yakala
Numas teshka nuqasey aherum baye*

*Ne jaa buri ne ja gendesh ja dinar
Thum bey beska nuqasey aherum baye*

*Ja deeh tungtang mani nupao gaali
Ja haqa saaa nuqasey aherum baye*

*Eyaa thangkush a dunes ja haley dee
Neyech jaa haa nuqasey aherum baye*

*Thaa esqaling netey kaisar nuhurey
Siya un jaa nuqasey aherum bayee*

45.

*Ja ka go gan api han boltum echan
Khudaar e br api xhan boltum echan
Un jaga nee bey simba guya senaa
Ayata sarchuman dan boltum echan*

*Okhar xhum dasqaten ja shum nachaney
Naxhaney shum saf uchum thum nachaney
Esqulen mehering e khn boltum echan
Ja ka go gan apin han boltum echan*

*Ja jando ba apa, apii khabaran
Ishq ibadat nukha dulum hn bran
Atuman g chum weran boltum echan
Ja ka go gan api han boltum echan*

*Ja ahs nuqol nushul pitiring mani
Goga ho mehering goga firing mani
Ses go afat nia zran boltum echan
Ja ka go gan api han boltum echan*

*Bakht dua fath damany renche kaisar
Nuher bota echan jazeer me mekhar
Reza apai me daman boltum echan
Ja ka go gan api han boltum echan*

46.

*Filash ne ren ja haqa hereshum katl ne gali
Te cheyche drbataya apayum duwal ne gali*

*Ne mathan un nukuthein sendey yate bo huruti
Chel e ruru a netay doshto ekhar zal ne gali*

*Yata atioshumaan oos chekhy hanjil mayumbee
Ja ka ne ehs makuche naastaga hing tal ne gali*

*Kho akhelch khasup duwa un anum majnuun dokoya
Menge dee mos echumey ganka thanum bal ne gali*

*Aati ho beska ne bey jando yaa tik yarey aati
Nichamur mehre shani chekum cheyga mal ne gali*

*Ayeyam besxheka kho ganing ka kaisar yakala
Faqeri gan yatey bai loq xhadaran fal ne gali*

47.

*Menay gandi kruch nama, men cheyche ja chel nama
Mena ja namrood e phu da mena ja mel namaa
Un sena ho bo amayam, bo amayam un senaa*

*Thap gonshr awoo dosook aski net aya dinar
Askil neyel khech netey, netey akhara pishaar
Un sena ho bo amayam, bo amayam un sena*

*Dunesh a shani nama, go k baring aski net
Ahs makuche hashing a ja aya ho harki net
Un sena ho bo amayam bo amayam un sena*

*Hr pataka net rahee da ka bo yesham nukha
Aeski beshas ne apaye naney da becham nukha
Un sena ho bo amayam bo amayam un senaa*

*Baring ja ateyalum aeti ka ekhar satur
Ahs ho ja handis netay faingne net akhar satur
Un sena ho bo amayam bo amayam un sena*

*Shaski baring ayetum thum xhang an ne yanika
Gadero amayum yate bur bur ne aganika
Un sena ho bo amayam bo amayam un senaa*

48.

*Ja til aaskila un nukoney shaw churam nukha
Ache nukuwa jee batin rawraw churam nukha*

*Un ney be shuwa go ya ba, go gandichi yaa ba
Daren nuko hai elja echum qaw churam nukha*

*Shawu chashing ayatey netey bunjo yarey nt
Ja ahuxha achechum go te maw churam nukha*

*Ja hercha naye ch gos yatey tasqan dosoki kaa
Han faing a khawus dal neteney khaw churam nukha*

*Ahltulan baan nuqas hurushan just nimema xhong
Dayamba kaisar daman a ja shaw churam nukha*

49.

*Akhr che dis ja apaa akuyachum
Ja ahs alche chum khafa akuyechum*

*Walwala ba areche niya qalam
Thay ange kagaz dua akuyechum*

*Gasichamba nuqas dunesch echamba
Darikha bota gasa akuyechum*

*Ahs a dalah nima be mhultan a qaq
Ahs a muhltan chayamba akuyechum*

*Ja ba awa magam un bm ayahhan
Xhan gutey ja ho apa akuyechum*

*Mutuk baring echamba jee damn ae
Ja ka fuk yata masa akuyechum*

*Manas mayun dua kaisar yecha na?
Go gana ja awala akuyechum*

50.

*Jee dua niam ma makhr esqaning bey
Netay mamos ma mayr esqaning bey*

*Apika no maxhe, diyashang moqing
Eting makhr tikay khr esqaning bey*

*Han bai ka shum nega un xhan sening khul
Nega da elja nuqr esqaning beay*

*Muxhaning maskus nani, mai makhakin
Mayae maga barbr esqasning bey*

*Mashqulge br yatey dulul mahanxhum
Mukht makhr nt anahr esqaning bey*

*Akhash baring echumaan ishq nukha ma
Gat bey dasen muxhe sr esqaning bey*

*Ho bo mani tati shum fakii zameen
Mal maya maxho nuhar esqaning bey*

*Mena bo omaan ka khudayee maosh
Se nexhum elja dumr esqaning bey*

*Makhr ma nesqaney khe barinahaq
Maya duneshey kaisar esqaning bey*

51.

*Garey kirkaar memayan xhong axhokon
Mehana faar memayan xhong axhokoon
Demeney mel, meren meren yata noos
Mamu goxhr memayan xhong axhokoon*

*Nuhurut garey echan mehre baaringg
Ochan meyar me miaa ses shuwa maring
Mesmo basesen hek demeyalenka
Sitar e chr memayan xhong axhokoon*

*Shon e daad e cherem shafi ajo khosh
Mehre hayan yekay maxhee ajo khosh
Demeyal ne ke garing hek sahatan
Mesum dukhr memayan xhong axhokon*

*Mehany jee yaya chaq tesh me apaan Past
neteney bashaka mesh me apaan Mesmo
me han biyan jee han neteney Hek ka
duchr memayan xhong axhokoon*

*Mathan e nang desaxhan hr aney mee
Thangkush e xhang desaxhang hr aney me
Fukan ka yr dioshan simbaai kheneyy
Me ka kaisar memayan xhong axhokoon*

52.

*Behesht juwa ja angee yaa, akhesh thap haa ja yexhambaa
Tal dulum fut echum garey, mani isqaa ja yexhambaa*

*Ajo gutum sesay gandi, ajo gutum baring netay
Ajo gutum sesan xhum ya, gutum ezaa ja yexhamba*

*Ja inga han ne apaai teshh, magam ja ahs heyumbai xhan
Ja ghr akirminish khas ne, renche garba ja yexhamba*

*Ja ashaa ne gixhumey reng, book yata teshk oshum agaa
Mamu baring etaas sesay, ehs ho tagaa ja yechamba*

*Ayetey ehlchemo baring, han gutum senaday an duwaa
Mayaga faar ayakala, ho durs dunyaa ja yexhambaa*

*Baring hagost e echum baai, asquur e heling yatey nee
Balichum yatey chel hrang kaisar dewaa ja yexhamba*

53.

*Feran bee gholcha rahee phuu yakala
Ja ka tey dusamba guwoo yakalaa*

*Tap an eshqam yecha bey tesh a gandi
Askil qon faar eta garuu yakalaa*

*Yexhum asqur che ja tawah ne gala
Zhahazah ahuting shawoo yakala*

*Chag nemen, ehs a khi matum maima
Hekan echa senii guru yakalaa*

*Akhung ja gml go naba senemii
Daruskin cheraga gawoo yakalaa*

*Yayum ka aye yayum asqur fath etay
Kaisar un gomanum saruu yakalaa*

54.

*Khaduk e tam nupalay mos diyaka goski ayat
Guxhum mathan nama phuga giyaka goski ayat*

*Tabah badkhu nimanay ahs a mhultan jhushk echemii
Chemeling hek gudupan daa thiyaka goskii ayat*

*Kheney garingkish nukha ja achum shang echumba
Siyam ja hanka gran bo diiyyaaka goski ayat*

*Jee dumr deem bai ka jhosh ja ka menchum elja apa
Nega ja yr namaney jee cheyaka goski ayat*

*Nuherr kaisar awoo gochar manika goski aatay
Aaiherum chap che aya gatiyaka goski ayat*

55.

*Awo ja chat notay ayaa qalamaa
Duchuchamba gari go ruh e sama*

*Nuyechey ahlchemo til aeli axhum
Ja ahlche net dawasa ange bamaa*

*Nagolay thas amana phu makuche
Aren ja demasa bey hirs e thamaa*

*Ja mehergin apaa ka sena basha
Gosa goo ja ahsey mhultan duchama*

*Aya duneshe etamba ne yekushee
Khawushan demasa lay unka cxhama*

*Yaa guya jora fath et bo diyakaa
Yaa ehski ebisha gucheche tamaa*

*Ahs be ley jaa kaisar a ehs senemen
Mani bey khaat bashaka aney thamaa*

56.

*Ne ja ahs yanum sia doshto etii gaan murikhy
Ja ne amanum sia doshto etii gaan murikhy*

*Ne eya chap che nukat diyechum bai emach yate
Ayasha thanum sia doshto etii gaan murikhy*

*Mehanche tal nemema til nemelay charchi demay
Khen a gaganum sia doshto etii gaan murikhy*

*Nuqas baring echum me mehan hrang ehski nupal
Shoqa chap anum sia doshto etii gaan muriky*

*Me ho chew bam nukhaney echan mashqulge burunum
Gan a gos anum sia doshto etii gaan murikhy*

*Chekh sesay osmo hrang meher a fufuk emetan
Kaisary yanum sia doshto etii gaan murikhy*

57.

*Dugashum bash apim dugati ya fath
Ja mehre dam ne che akati ya fath*

*Dasacha ne epaye thum mene ja
Khawushan bukche ne dukhati ya fath*

*Akho asura axhos chit dua neey
Nemeney too memayan gati ya fath*

*Mehre huncha ga them bai del akhoshy
Decheme meney ka kachati ya fath*

*Achum dustam bey tesh durzan maime
Siman thum menche ehs kharati ya fath*

*Xhum xhum gasias sesan hi darikha
Shuti aatum bai ney afati ya fath*

*Kaisar gali ayata ahsey noqoo
Dohon arenche daal ayati ya fath*

58.

*Amenumam ehlche yate mehre melan chor hekan
Tan dulum ja ahs hranga hesh a selan chor hekan*

*Ja shani ka yal senamam bo meney ayetum aa?
Ne ho ot diding ne fathe nehor Chelan chor hekan*

*Ahlche che nech phu basicha ehsum atusun dulum
Ahs ka nesqol phuh eti gaan chat ne delan chor hekan*

*Un ka guwan ne juwa buut desachum ba chr moqas
Khr nukha khak demasumam jaga belan chor hekan*

*Khurum khaas gasichamba ho te ya albat ja kaisar
Atumum shakr nani mosum behelan chor hekan*

59.

*Ne ohlchemo um mel meneas ne jua men bai
Ne herchum yate chum gaseas ne jua men bai*

*Puluti emesh yara netay dy ajo simbaai
Maxhe chum ka but niam gareas ne jua men bai*

*Hek dol bar netay khot bo eta hai daman nukha
Zrap emesh che nuher gateas ne jua men bai*

*Dokosayen ka ne epayee hekana aney
Zrukh zrukh seremy hinchaneas ne jua men bai*

*Khundarisho guyata kaisar bunjo doyaracha
Go gunge diyee chr maneas ne jua men bai*

60.

*Duneshing guya suyaa go chit api
Ayeyan hesh ka guya go chit apii*

*Churumba ka zha zr guganik zo un
Acxho gukat men nuya go chit api*

*Guyates khaat ne guwan lean ne meyar
Cheran me un nukuya go chit apii*

*Dunesh a tal niwash..huxura guxhar
Neshen thum ses nuhuya go chit api*

*Ache nuqas simibai kaisar durdana
Go ka multan duhuya? Go chit api*

61.

*Nhultaney men cheche un men che dukhr
Besa lay ja chulini bo haz etaa
Gos go khahish gochumaan cheky nuqar
Besa lay ja chulini bo haz etaa*

*Nukugol phuh nukuwa phuu hrang uun,
dehelay khech besa guwoo hrang uun
Sesay bo khai eta jazeer un gukhr
Besa lay ja chulini bo haz etaa*

*Guya yousf niwaye ghulchemo goo,
duhukey chel manemen botulay boo
Neteny hesh echumey gos ka ktr Besa
lay ja chulini bo haz etaa*

*Se basha meney ka dal khaat apiman,
herchum yate basha gukaat apiman
Niwash burung hranga gos nikhakr
Besa lay ja chulini bo haz etaa*

*Awoo chat echaga ja aya kaisar,
weri tungtang echumchex ange dukhr
Nupisha chash tola diferche puner
Besa lay ja chulini bo haz etaa*

62.

*Awaljum hesh a balda khat yana ja
Nukuthen ahlche netay go gana ja*

*Garing ja chan garing api chulini
Chahang gaan hek etamba go mana ja*

*Thaa an ghultuljo che dukharcham siya
Masamba nawus a ka girwana ja*

*Manas mayun duwa te lel neteny
Cxhaq aati hek sena bey tasqana ja*

*Ja ho go ghulchemogha dahuyamam
Gurenay nameney un asqana ja*

*Te chum besh bo echam ja go gandiche
Chel simey lean huruta multana ja*

*Un ho insaan ba tok kaisary jee
Kho meher aehakiyam hundana ja*

63.

*Gati darbat nuhurut mayoyo gha shath echamaan
Khaduk a nwawrch chran chekum che ga rath echaman*

*Saa yari fakumeray me mehering fakechaman
Na mena tang echamaan na aney men thath echaman*

*Sesay ohesh ka oya sahath niya yayan simaan
Mega besh bo sahatan hr sahath sahath echamaan*

*Thesuk me jura demey echeme ruuruu me makat
Ne ehse mes niwashe drbata balath echamaan*

*Rayading chekh nukurguun taq neteny lip echamaan
Garing me gos chayume merenche daf bath echaman*

*Meskil hurgas ayeten mesh yate kadn neyechey
Hasing gasis yare noos mes me zakhum zath echamaan*

*Me mechum yr manume tanza masen bey bashaka
Me nega kharch echume mechum yara fath echaman*

*Asqur a mehane ka xhum nuqas me garingkia
Kaisar Mayoona a miga me mayon a sath echamaan*

64.

*Charko biyen chekh gendesh e khr aljuwarey jaa
Mayoyo nuqar puner dukhr aljuwarey jaa
Me Mel Dua me chel, farimo me gandiche saan
Apeyemaa che ane kaa charko damayoo baan
Khoi lel etishen me makhr ayash chum thayo baan*

*Burdi chum ne ayash makucha gan me hrangtaal
Me mesh yate niya echumbash baan le falak daal
Hai char nemoq dalah dioshum mega bo garaan
Apeyemaa che ane kaa charko damayoo baan*

*Gohar amaan a thangkush a hyan yasinich ba
Chanki yakalcha lalak gom gan yasinich ba
Meshera shuga tesh bashaka me bo ayuumaan
Apeyemaa che ane kaa charko damayoo baan*

*Zhong hirs a dewanz just nimema chel gare ochan
Chor tang manuma os me chekhy bangari ochan
Me shum metumaan tesh dememan shum ho me apaan
Apeyemaa che ane kaa charko damayoo baan*

Mamo farimo sheali juting shabloki weri

*Behest chum ganka go Bathan Kaisar bo km api
Chekhy os serembe go hranga duuney nukugaan
Apeyemaa che ane kaa charko damayoo baan
Khoi lel atishen me mekhr ayash chum thayo baan*

65.

*Gofat goo chast gotumaan un darum ka charchi apaa
Gan guyar durdana be da bota un rahchi apaa*

*Beran besmel nokotay gasxh otumaan go baresho
Khooi guya barchi guwan thum meney ho barchi apaa*

*Guya mhultan yate un doyemba kutuu gukharaa
Dumarcha goga guchim un thamenay darchi apaa*

*Chash a asqur akirmiin xhan bo duwa chekh a hemaan
Ya lay ja ahsey batin taorum becharchi apaa*

*Chr yatum gei duhukey ehlche thuk net jaga seni
Ja maache geem ba shuwa thumene kapapchi apaa*

*Ikhr chenzen neteny moqumam se chr le Kaisar
Ya fath ka mehre mammo Farhad a dalahchi apaa*

66.

*Dugatum me mechum zhong rahchi deshan
Apaai ka charci ne chor charchi deshan
Dechumey gunz ne che bang just nimema
Zhong yayan thangkush e zhang just nimema*

*Khesum girwan a gandi sel memayan
Dehum mekhosh mecho gha chel memayan
Aerichan hasing a dang just nimema
Zhong yayan thangkush a zhang just nimema*

*Chemeling xhan yate suqraat a meni
Yayan merenche me ka ne se chenii
Chamurchan memanum fang just nimema
Zhong yayan thangkush a zhang just nimema*

*Zhosh me khundaar a inge chr juwa baan
Dufalt shuminnng yata deem br juwa baan
Echan mehan yate nang just nimemaaa
Zhong yayan thangkush a zhang just nimema*

*Mehre hayan nichan kaisar a garing
Meum k xhan nichan kaisar a garing
Mesche deshen me barang just nimema
Zhong yayan thangkush a zhang just nimema*

67.

*Guyaya besche ka bey naheray awoo makuche
Guwala men jaga lel hashing e gungoo makuche*

*Aweljee denay seni mehring a thabib eney saan
Lay ja garukiom punar bechumba dato makuche*

*Naasqolay phuh natenay elja renche chel nia dee
Beheyam boo yaochum bai khadukey phuu makuche*

*Ja dekh ka lail ayaten ja bo doro elja cheraam
Ajo esraf chayamba kho ja akhr khuu makuchee*

*Diyaka shechen nukha wal numa baan nangisho kho
Duduk ja khat diosham neestaga kunuu makuche*

*Taelch un boo sesan ba churum garey kaisary jee
Nukuyech mel dukhati ja theyas a suu makuche*

68.

*Na humalkum tabah go, daa na un chulum boten baa
Haeshe hashoo ducheney un ja gana gum boten baa*

*Arenche dang dohoney ja Inga duchar guwanum
Guhena bey magam un ja aya darum boten baa*

*Nayechey xhum gasum ba xhum nuqas gomos etumba
Beheyam boten ba ka bo ba ka gutum boten baa*

*Serega chap che nuqat laen etamba botulay boo
Ja guman xhn gosum un ahsa malxhum boten baa*

*Goskiley lafesh nigaan gosay burumi henamba
Amutuk aski Bali dunes a makhsun boten baa*

*Nukuyech ehs seraga chaq manumbe Kaisar khoo
Ya ney aqeen guwan Shaw ja ache balum boten baa*

69.

*Basha burdi nimoqay daa basha ayasha numas
Ja haa xhen xhen echum baye yr nima bayasha numas*

*Ne gawar zaaas dua manas be ney ehs chatawai
Nega bo walaas apii masesh fathy chasha numas*

*Nokoney sena neaa chan rayading fakas sesaa
Tuk hekan khal ganisha mehring ka hafasaa numas*

*Ja asqor goga nuhar zo weri tungtang etamba
Lay bo ayechem yaha bechumba qaq dasa numas*

*Gosum atusun dua raan phu yata del thechumba
Ja nagol phuh amana go nety handasha numas*

*Le kaisar bo sesak baan bo sima fath laen ya hurut
Akheya chas daosen ahlchemo ka ahsa numas*

70.

*Hashing agoya netay kchap ja Aya
Gari boltu etamba thap ja Aya*

*Hekana un dokosa xhum nuqasey
Hekana masulchamba chap ja Aya*

*Numa eshkark manum chum aye ya manish
te nety chast echamba tap ja aya*

*Senamam chel echam akhosh ja magam
Amana engee naa sum sap ja Aya*

*Alam a geen nokot un jaa ba nukha
Akhara etamba gan khap ja Aya*

*Ja go khabarchi yaha bo churamaba
Api tesh jaga Kaisar dap ja aya*

71.

*Punar che ahs nukharat chence ka ahs
Mamu gochar che ka ketmen che ka ahs*

*Dahorcha ja kuto had bad a nawal
Dunganz che tal nama ba senxche ka ahs*

*Nichaney bo khul echam ne shealing
Ne duchar ahsa garum renche ka ahs*

*Yara se dang bim uley tikche dukhar
Nupushur tik mayaga tenche ka ahs*

*Go jua tham ka ja akhosh bm choren
Bim daa kaisar jua chenchenche ka ahs*

*Bechumba mutuk ja asuura doko
Kharashum khul mani ja menche ka ahs*

72.

*Duneshing chex duwalja tik garii go nem cheche jaa
Thy apaye bo diwasi un sena boo nem cheche jaa*

*Nukuwa faar shaniche asqur a tapoing nukuwa
Herey bey niyaw aching k gha nuqoo nem cheche jaa*

*Dokoyal chr mayooney ja jua un zal akuwaan
Akuwan yah chulini botulay boo nem cheche jaa*

*Garey bm hek gasa bey her amutuk ja bo zian
Guwoo ot sendy nuher tuur a noko nem cheche jaa*

*Go hek dokosali bey gana doko ja moqum chr
Maime qaq guheling nugaan goro nem cheche jaa*

73.

*Ahs a ka jaa duneshinga baye han Hussain
Ja un tok gukhara ya achan Hussain*

*Chan a gandi chan ka chan multan ochei
Chankush a baye haidar a hayan Hussain*

*Maski balish lay wakhty yazeedisho
Renche niya jando baye kadn Hussain*

*Chel chuchutan thuur echaka yami bay
Chelay nuhueray sin dua asqan Hussain*

*Gos bika dan hek Hussain a yek yanay
Sen Hussain lay sia et takhtan Hussain*

*Karbal a das yalum baye multan yate
Tik mayum aga lay go multan Hussain*

*Aski netay goherum minyas chorum
Daa dosoki ja ahsa tasqan Hussain*

74.

*Doyarchumaan goonxiki ayata bunjo osal
Asqaya ja chaq bama bo mayuman bo osal*

*Mehring a barche nuwal, heshing a fangot niya
Berum ja gucharam ba agaan che chasho osal*

*Dew nawusey dangche net, bangari be ash gutum
Biljamaan te ja ache ses numa galgoo osal*

*Chan nuqar hurutasho got manen bawar etay
Api ka bawaar achey ney guya noko osal*

*Hek taelch ka kheain diya ja shanicha chen diya
Sey ga tambok niya ganen we horgo osal*

*Shum yami ka yash ehsa, hek siyama nega naa
Ya lay kaisar khok bechan to osal ka kho osal*

75.

*Guchum awulam simey gospitaluyaa
Chemeling mimey mimey gospitaluya*

*Senamba menaka bey tesh ja magam
Simbai hr hinchu dimey gospitaluya?*

*Nokospitalu ahsay dugaraishum be...
Halay go gosa gimey gospitaluyaaa?*

*Satic leje echumbai senasay khung
Simbai guchey nakimey gospitaluya*

*Shukan numay guyek ho goski dulum
Chiniga hek ka theemey gospitaluyaa*

*Senumam fal ule apai nukha goo
Kaisar mehray hakimey gospitaluya*

76.

*Aya dunesh nikhachi lain hurusha
Dee ney ja khakh defaxhi lain hurusha*

*Ghasap ae chith etumbi ghan ka eya
Mayon duhul chagachi lain hurusha*

*Akhe guwaya ho ghr, 'ghr yata ghr'
Doko un ja apachi lean hurusha*

*Hekan ka xhum nuqasey lain etamba
Ney ja ehlche ataxhi lain hurusha*

*Baring echan xheka, echana ghana?
Duwasi 'shul' gachachi lain hurusha*

*Du duk taranginia kaisar e jee
Ses unge ney jagachi lain hurusha*

77.

*Ja inga duhulumbai lain etamba haye darikh
Aski chura churumbai lain etamba haye darikh*

*Hek dugasha khul mani chekh bechumang khul mani
Gat bamen dushunumbai lain etamba haye darikh*

*Hekumay bai bai simaan, da hekumay bey apaye
Ahlche sarche yurumbai lain etamba haye darikh*

*Aski net aren nichu has yatey noos charchi bey
Ja akhosh taorumbai lain etamba haye darikh*

*Dan senasho dan siman bota simaan bo khabar
Dal echa pushurumbai lain etamba haye darikh*

*Baring bo mushan api kaisaray jee qaqa b buk
Mashqulgi burunumbai lain etamba haye darikh*

78.

*Girmina, dunesht eta, thum atiya boo axhum
Nawus e buk pelesh eta thum atia bo axhum*

*Gulchemo girachasho, xhaar deleshu tey netay
Dafa yana chulesh eta thum atiya bo axhum*

*Enge akhr zhek netay nehlta chash adilinga
Yech nukha bandesh eta thum atia bo axhum*

*Mehray sendy angee noos thur netay huzura ja
Amiya deem klesh eta thum atia bo axhum*

*Je ga dasa bo eta? Bo echumbash un sena
Lain netay daresh eta thum atia bo axhum*

*Bash duluman jaga kho, kaisary jee etamba
Je xhum aya besh eta thum atia bo axhum*

79.

*Akhr ja tham chayamba go hrang ba
Behesht ja km chayamba go hrang ba
Go te sheali nesalay hai lay yasn
Gutey je niam chayamba go hrang ba*

*Khoth yata petek netay fath echumbash
Gainas hr thanum dong rath echumbash
Wahjm meney gochemen ohlchikus un
Tey gunz mahtm chayamba go hrang ba*

*Behesht e katr un dunesht eten kaa
Brusho tham khundaar fukesh eten ka
Ney golish meney goga shum simbai ka
Ney taelch khm chayamba go hrang ba*

*Ahlchemo yeshum daa garing a baring
Go hrang bicha hr gamburi woring
Go guchum holay nuhurut da bo baman
Taelch apm chayamba go hrang baa*

Basha Kaisar guxhum mathan manika

Ehs yatey hek yasn bathan manikaa

Te gunx akhesh gunz maime ney gandi

Tey gunz qaqam chayamba go hrang ba

80.

*Bekhainey dewalay mayon shanichum
xhen a tambuk yanamaan thoskum demay
Murikhay br niyaney hai darikha
mehanay buk yanamaan thoskum demay*

*Muna besmel nimema ney che dukhr,
meney nimeyechy qon a gixhum bai
Me goshaning nichamur neas sesay
besa khaduk yanaman thoskum demay*

*Mehlchemo taang manen a ja bo siyam,
ajo arkn memanen gan ayexhen
Ney yates daal etum changu netenay
meyar ney zhuk yanamaan thoskum demay*

*Dong yatum rath niwashi chambo nukha,
mega bo pech dua faing gan diosha
Ehski balum eney bey faing siaga
merenche duk yanaman thoskum demay*

*Thath manum holay talay bash sim aga,
meya bayash ina israf chayumey
Hawel mereny net haralt yarey in
manum juluk yanaman thoskum demay*

*Malan halesha me rawah ya apaan sey
hr khawushey me demekholum bi
Magam akhesh doro da shechumey pech
menge maruk yanuman thoskum demay*

*Desmayen holum sesa thangkushey khn,
gan a asqur nugo zo nazur simay
Meyesen meya bathaney mehlche chura
teshk net thuthuk yanamamn thoskum demay*

*Rawah me menaka bey besa Kaisar,
Daman a mem ya mechum besh apia
Thum meney ghray jahal net lamana
Echumey cxhuk yanaman thoskum demay*

81.

*Naosay engi daal apaa, apa awa
Bey phu hrangtaal apaa, apa awa*

*Akhar yata ghoyamba ja aya ya
Go guman hubaal apaa, apa awa*

*Saa niwalay dariyamba goga boo
Akhar yata naal apaa, apa awa*

*Ahsey baling dehor un gucharchumba
Daa ja go hingtaal apaa, apa awa*

*Bechamba akhatiyamba taya ja
Guxhum go tilnaal apaa, apa awa*

*Muxha yarum goskarcha un bo eta
Duwal yapandaal apaa, apa awa*

Sey go gusey ja nukha jirg maow netay
Mal e hrangtaal apaa, apa awa

Chamurcham siyamba dich Kaisar kheta
Ghan ja mushintaal apaa, apa awa

82.

*Tikche akhar decham nukha lain hurutamba
Becham ja in becham nukha lain hurutamba*

*Altanga tetay washimaan lain aney ba ja
Diyecha diyecham nukha lain hurutamba*

*Fath echa jirgast echemen oya nem apaan
Yr ja aya secham nukha lain hurutamba*

*Acho dekh api ja aya amet che bashchex
Wahgaman arexham nukha lain hurutamba*

*Galgiching duwaljachumey bash manish ka hek
Ney yekushey echam nukha lain hurutamba*

*Hekan ja bawar ayetum akhr che Kaisar
Teaas apim techam nukha lain hurutamba*

83.

Dugareshum

*Dunesh aya phoosh echam dugaresham
Fang ka falaqing becham dugaresham
Chemiling ja thuur echam, dugaresham*

*Sen senaka bo siyam? dugaresham
Et senaka bo echam? dugaresham
Yan senaka bo yayam? dugaresham*

*Hali un matum etay dugaresham
Ohlkishing burum etay dugaresham
Chekh xhum gukhr thum etay dugaresham*

*Yayae ka bahlth de khakche ja dugaresham
Boltu baloi thapche ja dugaresham
Gharki ka bo tapche ja dugaresham*

Saa baooi ka dusi ka dugaresham

Chel gamu xhum gushui ka dugaresham

Jee dala atuusi ka dugaresham

Et guyates khaat senay dugaresham

Ja ka ba gukaat senay dugaresham

Apaye men akaat senay dugaresham

Aski bo apali ka dugaresham

Amushum khat wali ka dugaresham

Guru ahsey gali ka dugaresham

Aheray un agasey dugaresham

Akhata un sen basey dugaresham

khul echam jaki ahsey dugaresham

Xham yechaka xham besa dugaresham

Epacha ney men nesha dugaresham

Den mania bey hesa dugaresham

Senen ka me maring ses dugaresham

Miya baan bathaney ehs dugaresham

Ja bo zian techa tesh dugaresham

*Bacha ja baa bota ba dugaresham
Xhanka ba bey xhan apa dugaresham
Bastama ja ka ogaa dugaresham*

*Men gadero bota bai dugaresham
Xhurun dua bota xhai dugaresham
Men xheche men bota tai dugaresham*

*Got achan tharar achan dugaresham
Dioska unka guxhan dugaresham
Nifos fath eth thap a man dugaresham*

*Guya chekh bichum apimang ange jaa
Dinxheray waswasa ja awashimba
Teinga garey khak hrang ja bal niorkh
Duneshing e senday an desokumba
Tenjo balan adiling nukha doyee
Ahs nichu tey eljikan un nestaga
Hr bo yexhum ahlche hrang oshumba
Hr bo senum ahltumalay yekushu*

Masicha areng, guxharcha altang nagon
Baring a ayongus ka akhath nachi
Ghaan shuwa ghaan gosum guya senumba
Br go yayam yanaka dugaresham
Bo echa ja lanaka dugaresham

Yamika ajo goga jaki api
Ja doro dugareshum, dugaresham

84.

*Zhang ja thum yanas apa, bat ja thum welaas apa
Chat manish, guhel manish, mel ja thum menaas apa*

*Hairo ba hen goinga, thum ja men oheyambay
Un gasa ka gasicham yara ho gasas apaa*

*Ahs guche kharati xhan, thumka boot dorong bicha
Duus galaka chor siyam, tesh gucheyche taas apa*

*Eling notay qaq sesay, chas do 'os Hubal netay
Akhe chel duchuchum chum mal ya ja haras apa*

*Bei thayo darating net, ja ho boten ba nukha
Got seneshen jaga fath, go jua garass apa*

*Dusmaencha fath echam, heashing e khai bo baran
Dim esqam bixhum uley, ja Kaisar baraas apa*

85.

*Ayash xhum un thanum gukhr chayumba ya ly yah
Baring naosay thamey dekh ka yayumba ya ly yah*

*Nukuyech un thapy boo guchana bey
Unka halanz! Saa xhum gari yayumba ya ly yah*

*Baye ka tham ikhara baye, bash fath manish
Ja ka un ney darhchum men axhayumba ya ly yah*

*Neaas en mayumbai ya go basha un
Ja fath nath gali nukha phalayumba ya ly yah*

*Aar ayechem shum senay ja gasxh ka at Axhum
ja shuwa men disha layumba ya ly yah*

*Xhan br etas hr ney youngus khasra be
Heling un kaisary ka chapayumba ya ly yah*

86.

Lain Hurushum Bo Dua?

*Je guya mashqul netay
negasey gos sust echum
Neyortikin bal duchuu
Gos che guya just echum
Gungi gukhr dinxheray
Ghulche guya neheray
Xhen garey duwalchumey
Shar gachachi gahlchumey
Shabloki mal yahlchumey
Gudim guya tashchumey
Duneshing gurguyumey
Garing baring suyumey da
bishaskan neser hek
Mal hrang falayumey
Gash netay gukhr tolum
Elja gukhr yayumey*

*Jee chuwalti gotumen
Khit nia dich tayumey
botuley nukuwa boo
bo guwayum bo dua
basha nuhu gopaye
Da hekana kho dua
Lain hurushum go guman
lain hurushum bo dua?
lain hurushum bo dua?*

*Chr dehor khira echum
Gosche thosh bara echum
goski durdana echum
Eesh netay gukhat hawel
Elji daa haha echum
duhul duus rahe netay gos
mianpacha echum halanz
che nukuma cholk saa
kaat mashqugi netay burdi
chum mathan noko akhiya
leje netay*

nipholtey diwa neri
gos yatey gari netay
lel guwayum chekh sesay
basha thosh dukumayum
daa basha choqa eta
Lel mena akumayum Basha
toqay khr gureng
dukhakharey tr gureng
mayon cheychum shani an
nichamuray taq echum
jaoti an tashchumey
cheresh chum tey laq echum
da gukhr besmel echum
meny gandi men niyaw To
ka han doro akheclh
Mutaney ruru api
Brakh yache tenjo dua
lain hurushum go gumaan
lain hurushum bo dua?

Lain hurushum lain api

thum ya tey botan dua goski
go apalhchumbash mel yatey
diyalhchumbash Gukhr
ghanaas guru tey Khat
niwaly gahlchumbash lain
hurushum han minyas Lain
hurushum xhan minyas Lain
gucharas gan minyas
Ghultuml et gos yatey
Lain ka rimbasa dua
Haw dua haha dua
Lain yata jirgmaw dua Yr
sey nukha qaw dua.... Yr
sey nukha qaw dua

87.

Phut ka elja tesh ayeti cxhan gali
Da bran ka besh ayeti cxhan gali

Ehlchemo ayasha nudel cxhum gasi
Eya buk pelesh ayeti cxhan gali

Neasho juwa ya gali khaat nima
Ganka thanum esh ayeti cxhan gali

Mehrey xhamy oo makuche ghur nety
Ja ahsa chakesh ayeti cxhan gali

Dey kaisar shuwa ho sia layumchex
Tesh ikhr akhesh ayeti cxhan gali

88.

Chash gugana tachemi aney bey ka aney hek

Chel guwoo bapachemi aney bey ka aney hek

Bash dagash dagacha fath, dagashut ne yarum khush

Dee aroiche yachemi aney bey ka aney hek

Gos bea? apia go? dan bea gos chan sena

Dan be ka dufashimi aney bey ka aney hek

Satic un ja jee simchek, khung ja lel ayachumba

Ya fath ka dugashimi aney bey ka aney hek

Bal bahuring nemoqay, ja kutushku dahoraas

Balche de neh yachemi, aney bey ka aney hek

Eya yekey ghr deyal, ja jee bai kaisar nukha

Daa chot yatey achemi aney bey ka aney hek

89.

Phu garey dugaarchana?

Del neyechy gaarchana?

Harki chashey etumaan

Bo simba.? bisaarchana?

Qaq mani burdi dareekh

Gon haralt! diyaarchana?

Ehsey khal matumen bai

Haa? bathana saarchana?

Dunesh ther manun dua

Ghar yatey bahaalchanaa?

Baring michum thum bicha!

Thum bixhaka mahlchana?

Fath ney Kaisar phu hrang

Bo diyaka gharchana?

90.

*Tey chuyesh manumim a?
Bolk dukhr shulumim a?*

*Hercha ehs awulinum
Renche dee gatumim a?*

*Dim xhum ikhr chast netay!
Ikhr mena umim a?*

*Chel guwoo an ghulchi che
Phu nima balumim a?*

*Haa? Mayon a sholta dee
Xhan sena garumim a?*

*Che net hek ikhr nigaan
Gos go xhum gasumim a?*

*Niyechy Kaisar, guwat!
Sir nokot basumim a?*

91.

*Bal depherxhen khakh gary
Ty shulen me thakh gary
Gon duwaras mee api
Tesh manaas gari api*

*Tamaan holum besh chechi
Neeskarcha neth mesh chechi*

*Ya ly me gadero baan
Besche ka ateshqaltum
Barinahaq huu ka haa*

*Ne lel metas baan meny
Me bray oo bo baran
Ja juwa garingkish ey
Tanz galum changu garan*

*Datch ya mee doro api
Miga rawah menka bey*

*Qaw nimeyech etashu
Me bathan jazeer nety
Mehenche demehonay
Bim apim meshirumaan*

Da ocheychi tachan'aa?
Haa? Ocheychi tachan'aa?

92.

Gat guchy Mee Sr siyanchex aney ba
Just nimima ghr siyanchex aney ba

Mee miyatey nang etaas akhatenum
Mee miyatey chr siyanchex aney ba

Lm ochy baluma fathy bo bran
Chor otamaan thr siyanchex aney ba

Saqq a shak narak senashu haa bayaash
Hr efatum tr siyanchex aney ba

Fang e ingi khaat guwayumchum, guya!
Khakh Yara un khr siyanchex aney ba

Bar e bargi lel ayetum, br dios
Br echum pandr siyanchex aney ba

Khain e azazilisho che dool nuqas
Dinxherey tumr siyanchex aney ba

Raچی we Yazeedisho ka meechey bey
Qaq dasa Chel cxhr siyanchex aney ba

*Lolh gukhr taorum xhayumba ka un!
Dey, destuk chumar siyanchex aney ba*

*Walto an garing netay guwaluya!
Boten bm, Kaisar! siyanchex aney ba*

*Buk oya neth qaq senashu, alltanan
Nushir yayan haq senashu, alltanan*

*Nosh bathaney nikhakr oren yaty
Yah ayeting laq senashu, alltanan*

*Ja ka, unka, neyka, chekh miolla wall
Naosa ayeth saq senashu, alltanan*

*Char ka chell ka tik ka me bathan nukha
Joing echaman saq senashu, alltanan*

*Dostering ly khain e khu Namrood isho
Raan phu eting chaq senashu, alltanan*

*Phain ey ingi khaat api oyates wey
Yaani, analhaq senashu, alltanan*

*Chan matum ayetumaan waraqing wey
Chankushey sabaq senashu, alltanan*

*Lain eting ma me juwa senasho gha
Ma baan aldahaq senashu, alltanan*

*Zar api merang bicha me thy Kaisar!
Dunesh anachaq senashu, alltanan*

*Ahs achy gassi khudai
Naos ja Bassi khudai*

*Ayemanas mayun duaa
Chel che phu bali khudai*

*Ath shuwa ja boka neth
Dm duaa dudi khudai*

*Milihang akati teshh
Duhui ghan ja je Khudai*

*Ja Gandi guzaar a cxhath
Go gusey burdi khudai*

*Yah un ja akhi ayath
'Ahlchiney gari' khudai*

*Duwalcha awulamba
Chast ja hn galgi khudai*

*Charan che khoi hekka nech
Khul aath ja jaki khudai*

*Cholk akharchey etamba
Akhar xhum deshi khudai*

*Ahs guya shuwa hembra!
Jaa boo sim api khudai*

*Tachap bai Kaisar simaan
Thosh garan achii khudai*

95

*Qahf assichha chaq akho
Chawf assichha chaq akho*

*Adilling harang delaas
Brahf assichha chaq akho*

*Oyungus qachi juwa
Lawlf aashhichha chaq akho*

*Ghana khawushh aye nikhaw
Nahf aashhechha chaq akho*

*Aegharcha dohonaka
Dahf aashiccha chaq akho*

*Just numa Kaisarishoo
Sahf aashhichha chaq akho*

*Qup nety hurutamba ty phaya etumbi, ja ahs
 Shang neth akhr chum siyamba, durdana kaisar abs
 Dunya shecham chew nama, simchex, akhuruma akhosh?
 Kaisarey heshing lel echa, un awuluma akhosh*

*Ja sheali bo dua han go duneshe e yari b
 Tik adim e bo bran dunya, go bolla thari b
 Han yakalcha gaya phari, we gamuno phari b
 Han yakala ghoyaka khakh ja xinga ghari b
 Gunz ka akhar degareshamba, guyuruma akhosh?
 Kaisarey heshing lel echa, un awuluma akhosh*

*Daf guwalgi niwashi, yan gurechi, bara delay
 Mehring e hayan ja nukha, takche un chama delay
 Gon ayar jutunchi guxhr, chash chamur, huma delay
 Gungu gha deem char khira eth, dong duneshe tha delay
 Bo sena awuluma un, gan burunuma akhosh?
 Kaisarey heshing lel echa, un awuluma akhosh*

*Ja juwa, ochee neth ogaan, layumba bey hen disha
 Ja weri che yaas api un neyaw duchu sen tisha
 Del goyalja bash dua goga, seer an ka haesh besh bisha
 Zoo nety ney un guya shee, guya gukhar un gisha
 Gat they menche ba tayiya, bey dushunuma akhosh?
 Kaisary heashing lel exha un awuluma akhosh*

*Thy menchy bawar ayety, hen gukharchey dang dohon
Eten ka, un lain ayety, gungi meny phang dohon
Eemalcha chan eemalchimi, yaty ety, nang dohon
Chan yaty we jee ochima, un niyaney zhang dohon
Thuk nema guchy dohoya, haa pushuruma akhosh?
Kaisary heashing lel echa un ayoluma akhosh*

97

*Bukche dee dukhat dulum un faing eta
Faing guhel che gat dulum un faing eta*

*Baa ka un apaa hrang balun dulum
Ahs hrang qumqat dulum un faing eta*

*Got ahsey achanumim ja aya chor
Elje go nabat dulum un faing eta*

*Nayaw demay yexhumbai aqarey yah
chut tey mhultan chat dulum un faing eta*

*Ja dunes halal dulum aqara tesh
Go tey gasum jat dulum un faing eta*

*Baq deferche phut garey kaisaray ehs
Gayum go duhat dulum un faing eta*

*Goche go ja etum bawaray daakhulun duwa
Ja khaas etamam go guyaray daakhulun duwa*

*Gr e yasxh apim mgm sia lana bey ly gosum un
Esraf mani daa chr sitaray daakhulun duwa*

*Taorum un ka bo ayash dikharumen apam
Go das yali awoo gocharay daakhulun duwa*

*Go chekh etuming lel mgm guxhum ayamanum
Ahs yorhtikina goinga garay daakhulun duwa*

*Numey numey, thosh qaq ba chutan da nukha kaisar
Ja saan eti zran go khumaray dakhulun duwa*

*Ayashey herchum haralht, mos me bar e moos dua
Se yara me phu echamaan char ka mi michum verán*

*Gal na me qehr a ghanen, mung na shao fath eten
Merenchi me gangi niyech, shar ka me michum veran*

*Dussi purput juwa ahutes yarum
Aghaan wasxh wasxh nima aroiche yamam*

*Baring ne sesay ya echamba kaisar
Naal jua amen ja acheche tamam*

*Ne mehre gan yate bai cxhan yate bai cxhan henumbai
Iblis e cheche apaaí shuwa mani ashíq nima lip*

*Echa mansoor e baring kaisarey ishaski uley
Siman khundaar e ina machan shuwa ma hn data lip*

*Hagost yata ahlche haralt diaka
Ne ho bm mos ayechem amalamba*

*Chulesh echum khena ja angi kaisar
Durdana khos ayechem amalamba*

Chemeling angea duchu noseý kaisar
Thechuman hana hanum bo siyam ja

Guche dukharum be ja ahs ja garing go guyatey khul
Khudayee echam aya jee fukan asuur guwanaka

Guhesh ahesh manun dua guchr achar manun dua
Yata ka kaisarey senee fukan asuur guwanka

Musxha daos fat hath ka daal echa akhar churam
Bey awulumba fath garq amayam bo zian

Galaka un guxheyche khabr butey yayemen
Baye nukhaten ahlto xhair akhar chayam bo zian

Buk yatey ja teshk dua zenzering altanga faar
Dokoyalaas un apa mukht phalayam bo zian
